
**ТАЪЛИМ ТАШКИЛОТЛАРИ ПЕДАГОГ
КАДРЛАРИНИ АТТЕСТАЦИЯДАН
ЎТКАЗИШ ТАРТИБИ БЎЙИЧА
УСЛУБИЙ ҚЎЛЛАНМА**

ТОШКЕНТ – 2024

КИРИШ

Бугунги кунда мамлакатимизда педагог кадрларнинг малакасини ошириш, уларнинг таълим бериш маҳоратини юқори даражага кўтариш борасида салмоқли ишлар амалга оширилмоқда. Хусусан, педагогларни аттестациядан ўтказиш ва уларга малака тоифасини беришнинг автоматлаштирилган янги тизими жорий этилди.

Шу билан бирга, педагогларнинг таълим бериш маҳоратини юқори даражага кўтариш ҳамда уларнинг билим даражасини баҳолашнинг янада шаффоф ва холис механизмлари ҳаётга татбиқ этилди.

Ушбу услубий қўлланма **тавсиявий хусусиятга** эга.


**ТАЪЛИМ ТАШКИЛОТЛАРИ ПЕДАГОГ КАДРЛАРИНИ
АТТЕСТАЦИЯДАН ЎТКАЗИШ ТАРТИБИГА ДОИР
ҚОНУНЧИЛИК ҲУЖЖАТЛАРИ**

	<p>Ўзбекистон Республикаси Президентининг 2020 йил 6 ноябрдаги “Ўзбекистоннинг янги тараққиёт даврида таълим-тарбия ва илм-фан соҳаларини ривожлантириш чора-тадбирлари тўғрисида”ги ПФ–6108-сон Фармониغا</p>
	<p>Ўзбекистон Республикаси Президентининг 2021 йил 3 февралдаги “2017 – 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини «Ёшларни қўллаб-қувватлаш ва аҳоли саломатлигини мустаҳкамлаш йили»да амалга оширишга оид давлат дастури тўғрисида”ги ПФ–6155-сон Фармони</p>
	<p>Вазирлар Маҳкамасининг 2021 йил 17 сентябрдаги “Мактабгача, умумий ўрта, ўрта махсус, профессионал ва мактабдан ташқари таълим ташкилотлари педагог кадрларини аттестациядан ўтказиш тартибини такомиллаштириш чора-тадбирлари тўғрисида”ги 572-сон қарори</p>

МУНДАРИЖА

ПЕДАГОГ КАДРЛАРНИ АТТЕСТАЦИЯДАН ЎТКАЗИШНИНГ УМУМИЙ ТУШУНЧАСИ	4
АЛОҲИДА ТАРТИБДА МАЛАКА ТОИФАСИ БЕРИЛАДИГАН ПЕДАГОГ КАДРЛАР ТОИФАЛАРИ	9
АТТЕСТАЦИЯДАН ЎТИШ УЧУН ҲУЖЖАТ ТОПШИРИШ ТАРТИБИ ..	14
ПЕДАГОГ КАДРЛАРНИ АТТЕСТАЦИЯДАН ЎТКАЗИШ ТАРТИБИ	22
ИЛОВАЛАР	36

ПЕДАГОГ КАДРЛАРНИ АТТЕСТАЦИЯДАН ЎТКАЗИШНИНГ УМУМИЙ ТУШУНЧАСИ




ПЕДАГОГ КАДРЛАРНИ АТТЕСТАЦИЯДАН ЎТКАЗИШНИНГ ВАЗИФАЛАРИ:

- ✓ педагог кадрларнинг таълим тўғрисидаги ҳужжатида кўрсатилган тайёрлов, таълим йўналиши, мутахассислиги ёки ихтисослиги бўйича билимларини синовдан ўтказиш;
- ✓ мактабгача, умумий ўрта ва мактабдан ташқари таълим ташкилотлари педагог кадрларининг мутахассислик фани ва касб стандарти бўйича билим даражаси ҳамда педагогик маҳоратини, шунингдек, ўрта махсус ва профессионал таълим ташкилотлари педагог кадрларининг ўз фанини билиши, фаолияти самарадорлиги, педагогик маҳорати, психологик тайёргарлигини ўрганиш ва ҳолисона баҳо бериш ҳамда уларни рағбатлантириш;
- ✓ мактабгача, умумий ўрта, ўрта махсус, профессионал ва мактабдан ташқари таълим ташкилотларини юқори билим савиясига эга бўлган, истеъдодли ва иқтидорли педагог кадрлар билан тўлдириш.

АТТЕСТАЦИЯНИНГ АСОСИЙ ПРИНЦИПЛАРИ



мажбурийлик;



даврийлик;




ошкоралик;



кенгашиб иш кўриш вахолислик.

МАЖБУРИЙ АТТЕСТАЦИЯДАН ЎТКАЗИШ



Педагог кадрлар **ҳар беш йилда** бир марта навбатдаги мажбурий аттестациядан ўтказилади.

Бироқ, илгари аттестациядан ўтмаган **ишга янги қабул қилинган** педагог кадрларга ёки олий таълим ташкилотларини битириб **биринчи бор ишга кирган педагог** кадрлар касбий фаолиятига **уч йил тўлгандан сўнг** навбатдаги мажбурий аттестациядан ўтказилади.

Педагог кадрлар ўз хоҳишига кўра **навбатдан ташқари** аттестациядан ўтказилиши мумкин.



Навбатдаги мажбурий аттестация натижаларига кўра амалдаги малака тоифаси (лавозими) оширилган, сақланган ёки туширилган, шунингдек, навбатдан ташқари аттестация натижаларига кўра амалдаги малака тоифаси (лавозими) оширилган ёки сақланган педагог кадрлар навбатдаги мажбурий аттестацияга **беш йилдан сўнг жалб этилади.**

Педагог кадрларнинг мажбурий аттестацияга ўз муддатида жалб этилиши учун педагог кадр фаолият кўрсатаётган таълим **ташкilotининг раҳбари** шахсан жавобгар ҳисобланади.

Педагог кадрларнинг аттестациясини ташкил этиш ва ўтказиш ушбу Қўлланманинг 1-иловасида келтирилган схемага мувофиқ амалга оширилади.

Таълим муассасаларида соғлом овқатланишни ташкил этиш уларнинг ошхона ва буфетларида **санитария қоидалари, нормалари** ва **гигиена нормативларига** мувофиқ шарт-шароитлар яратилган ҳолда амалга оширилади.

Нодавлат мактабгача, умумий ўрта, ўрта махсус, профессионал ва мактабдан ташқари таълим ташкilotларининг педагог кадрлари ўз хоҳишига кўра навбатдан ташқари аттестациядан ўтиши мумкин.

МАЖБУРИЙ АТТЕСТАЦИЯГА ЖАЛЬ ЭТИЛМАЙДИГАН ТОИФАЛАР

фан номзоди, фалсафа доктори (PhD) ёки фан доктори (DSc) даражасига ҳамда Олий аттестация комиссияси томонидан берилган катта илмий ходим, доцент ва профессор илмий унвонига эга бўлган педагог кадрлар;

олий малака тоифа (бош ўқитувчи лавозими)га эга бўлганидан сўнг олий малака тоифани **15 йил давомида** сақлаб келган ва узлуксиз иш стажига эга бўлган педагог кадрлар;

педагогик фаолият бўйича **25 йил ва ундан кўп** иш стажига эга бўлган педагог ходимлар;

ёшга доир пенсияга чиқиши учун **5 йилдан кўп** бўлмаган вақт қолган педагог ходимлар;

педагогик фаолият билан шуғулланаётган **пенсия ёшига тўлган** педагог кадрлар;

педагогик фаолият бўйича **уч йилдан кам бўлган** иш стажига эга педагог кадрлар;

ҳомиладор аёллар, улар ҳомиладор бўлган даврда ҳамда ишга чиққанидан кейин **бир йил давомида**;

ҳомиладорлик ва туғиш ҳамда болани парвариш қилиш таътилларида бўлган аёллар, улар таътилда бўлган даврда ҳамда ишга чиққанидан кейин **бир йил давомида**;

педагогик фаолият билан шуғулланаётган **уч ёшгача** болалари бор аёллар;

узоқ (уч ойдан ортиқ вақт мобайнида) даволанишни ўтаётган педагог кадрлар, улар даволанаётган даврда ҳамда ишга чиққанидан кейин олти ой давомида;

республика ва чет эл давлатларига ўқишга, қайта тайёрлаш ва малака ошириш курсларига юборилган педагог кадрлар;

ижтимоий муҳофазага муҳтож, иш топишда қийналаётган ва меҳнат бозорида тенг шартлар асосида рақобатлаша олмайдиган шахслар учун энг кам миқдордаги иш ўринларига захирага олиб ишга жойлаштирилган педагог кадрлар, бу иш жойларига қабул қилинган кундан бошлаб **уч йил давомида**.

Навбатдаги мажбурий аттестацияга **жалб этилмайдиган** педагог кадрлар **ўз хоҳишига кўра** навбатдан ташқари аттестациядан ўтишлари мумкин.

Навбатдаги мажбурий аттестацияга жалб этилмайдиган педагог кадрларнинг амалдаги малака тоифалари (лавозимлари) сақланиб қолади ҳамда уларга таълим ташкилотларида ишлаган даврида мазкур малака тоифаси (лавозими) бўйича ҳақ тўланади.

Ўз хоҳишига кўра навбатдан ташқари аттестацияда қатнашиб, малака тоифасини (лавозимини) оширган ёки сақлаб қолган педагог кадрларга оширилган ёки сақлаб қолинган малака тоифаси (лавозим) бўйича ҳақ тўланади.

Ўз хоҳишига кўра навбатдан ташқари аттестацияда қатнашиб, аттестациядан ўта олмаган педагог кадрларнинг малака тоифаси (лавозими) туширилмайди ҳамда уларга навбатдан ташқари аттестацияда қатнашишдан олдин амалда бўлган малака тоифаси (лавозими) бўйича ҳақ тўланади.

АЛОҲИДА ТАРТИБДА МАЛАКА ТОИФАСИ БЕРИЛАДИГАН ПЕДАГОГ КАДРЛАР ТОИФАЛАРИ

ТЎҒРИДАН-ТЎҒРИ (АТТЕСТАЦИЯДАН ЎТКАЗИЛМАСДАН) МАЛАКА ТОИФАСИ БЕРИЛАДИГАН ПЕДАГОГ КАДРЛАР



а) Ўзбекистон Республикаси Мактабгача ва мактаб таълими вазирлиги томонидан рўйхати тасдиқланадиган спорт мусобақаларининг:

туман (шаҳар) босқичи ғолибини (1-ўрин) тайёрлаган мактабгача таълим ташкилотларининг жисмоний тарбия йўриқчиларига – иккинчи малака тоифаси (катта ўқитувчи лавозими);

Қорақалпоғистон Республикаси, вилоятлар ва Тошкент шаҳар босқичи ғолибини (1-ўрин) тайёрлаган мактабгача таълим ташкилотларининг жисмоний тарбия йўриқчиларига – биринчи малака тоифаси (етакчи ўқитувчи лавозими);

халқаро ҳамда республика босқичи ғолиби ва совриндорларини (1 – 3-ўрин) тайёрлаган мактабгача таълим ташкилотларининг жисмоний тарбия йўриқчиларига – олий малака тоифаси (бош ўқитувчи лавозими);



б) белгиланган тартибда тасдиқланадиган спорт ва оммавий жисмоний тарбия тадбирларининг республика, ҳудудий ва жисмоний тарбия-спорт ташкилотлари календарь режаларига киритиладиган спорт мусобақаларининг:

туман (шаҳар) босқичи ғолибини (1-ўрин) тайёрлаган таълим ташкилотларининг жисмоний тарбия фани ўқитувчиларига – иккинчи малака тоифаси (катта ўқитувчи лавозими);

Қорақалпоғистон Республикаси, вилоятлар ва Тошкент шаҳар босқичи ғолибини (1-ўрин) тайёрлаган таълим ташкилотларининг жисмоний тарбия фани ўқитувчиларига – биринчи малака тоифаси (етакчи ўқитувчи лавозими);

халқаро ҳамда республика босқичи ғолиби ва совриндорларини (1 – 3-ўрин) тайёрлаган таълим ташкилотлари жисмоний тарбия фани ўқитувчиларига – олий малака тоифаси (бош ўқитувчи лавозими);



в) жисмоний тарбия фан олимпиадасининг, шунингдек, «Беш ташаббус олимпиадаси», олимпия, ноолимпия ва миллий спорт турлари бўйича уч босқичли умумреспублика спорт мусобақаларининг:

туман (шаҳар) босқичи ғолиби ва совриндорларини (1 – 3-ўрин) тайёрлаган умумий ўрта таълим ташкилотларининг жисмоний тарбия фани ўқитувчиларига – иккинчи малака тоифаси (катта ўқитувчи лавозими);

Қорақалпоғистон Республикаси, вилоятлар ва Тошкент шаҳар босқичи ғолиби ва совриндорларини (1 – 3-ўрин) тайёрлаган умумий ўрта таълим ташкилотларининг жисмоний тарбия фани ўқитувчиларига – биринчи малака тоифаси (етақчи ўқитувчи лавозими);

халқаро ҳамда республика (финал) босқичи ғолиби ва совриндорларини (1 – 3-ўрин) тайёрлаган умумий ўрта таълим ташкилотларининг жисмоний тарбия фани ўқитувчиларига – олий малака тоифаси (бош ўқитувчи лавозими);



г) халқаро математика (IMO), физика (IPhO), кимё (IChO), биология (IBO) информатика (IOI) олимпиадаларида олтин, кумуш ёки бронза медаль (биринчи, иккинчи ва учинчи ўрин) совриндорларини тайёрлаган таълим ташкилотларининг педагог кадрларига – олий малака тоифаси (бош ўқитувчи лавозими);

д) олий малака тоифасига (бош ўқитувчи лавозимига) эга бўлганидан сўнг олий малака тоифасини (бош ўқитувчи лавозимини) 15 йил давомида сақлаб келган ва узлуксиз иш стажига эга бўлган педагог кадрларга – олий малака тоифаси (бош ўқитувчи лавозими);

е) педагогик фаолият бўйича 25 йил ва ундан кўп иш стажига эга бўлган ҳамда ёшга доир пенсияга чиқиши учун 5 йилдан кўп бўлмаган вақт қолган педагог кадрларга – уларнинг амалдаги малака тоифаси (лавозими).

МАЛАКА ТОИФАСИ (ЛАВОЗИМИ) БИР ПОҒОНАГА ОШИРИЛАДИГАН ПЕДАГОГ КАДРЛАР

- ✔ Ўзбекистон Республикасининг давлат мукофотлари билан тақдирланган педагог кадрлар;
- ✔ «Устоз» миллий мукофоти ғолиблари;
- ✔ Worldskills мусобақалари совриндорларини тайёрлаган таълим ташкилотларининг педагог кадрлари;
- ✔ республика миқёсидаги фан олимпиадалари ва кўрик-танловларда ғолибликни қўлга киритган ўқувчиларни тайёрлаган педагог кадрлар.

Илгари аттестациядан ўтмаган ишга **янги қабул қилинган** педагог кадрларга ёки олий таълим ташкилотларини битириб **биринчи бор ишга кирган** педагог кадрларга аттестацияга жалб этилгунга қадар қуйидаги тартибда малака тоифаси (лавозим) берилади:

бакалавр даражасига эга педагог кадрларга – **мутахассис** (олий маълумотли ўқитувчи) лавозими;

магистр даражасига эга мутахассисларга, шунингдек, олий маълумот даражаси бўйича академик даражалар жорий этилгунга қадар олинган олий маълумотли педагог кадрларга – **иккинчи малака тоифаси** (катта ўқитувчи лавозими);

фан номзоди, фалсафа доктори (PhD) ёки фан доктори (DSc) илмий даражасига ҳамда Олий аттестация комиссияси томонидан берилган **катта илмий ходим, доцент ва профессор** илмий унвонига эга бўлган педагог кадрларга – **олий малака тоифаси** (бош ўқитувчи лавозими).

Малака тоифасини беришда таълим ташкилотлари раҳбарлари мажбуриятлари:

навбатдаги мажбурий аттестациядан ўтиш муддати тугашидан **олти ой олдин** педагог кадрларни аттестациядан ўтиш лозимлиги тўғрисида **ёзма равишда хабардор қилиши**;

педагог кадрларни аттестациядан ўтказиш **тартиби билан таништириши** ҳамда ўрта махсус, профессионал таълим ташкилотлари педагог кадрлари аттестациядан ўтиш учун ҳужжат топшириш бошлангунга қадар уларнинг **педагогик маҳорати** ва **психологик тайёргарлигини баҳолашни** ташкил этиши лозим.

АТТЕСТАЦИЯДАН ЎТИШ УЧУН ҲУЖЖАТ ТОПШИРИШ ТАРТИБИ

Педагог кадрлар **асосий иш жойи бўйича** аттестацияга жалб этилади. Таълим ташкилотларида ўриндошлик асосида дарс берадиган ва асосий иш жойи бўйича педагогик фаолият билан шуғулланмайдиган педагог кадрлар **ўриндошлик асосида фаолият юритаётган таълим ташкилотидан** аттестацияга жалб этилади.

Малака тоифалари (лавозимлари) бошқа таълим ташкилотларига, таълим ташкилотларининг бир туридан бошқасига ёхуд нодавлат таълим ташкилотидан давлат таълим ташкилотига ишга ўтганда **сақлаб қолинади**.

Умумий ўрта ва мактабдан ташқари таълим ташкилотлари педагог кадрларининг иккинчи малака тоифаси ўрта махсус ва профессионал таълим ташкилотларининг катта ўқитувчиси лавозимига, биринчи малака тоифаси – етакчи ўқитувчиси лавозимига, олий малака тоифаси – бош ўқитувчиси лавозимига **тенглаштирилади**.

Педагог кадрлар олий маълумот олганлиги ёки қайта тайёрлаш курсларидан ўтганлиги ҳақидаги дипломда кўрсатилган тайёрлов, таълим йўналиши, мутахассислик ёки ихтисослигига **мос келадиган** ўқув фанлар бўйича **аттестациядан ўтади**.

Педагог кадрларнинг дипломида биттадан ортиқ тайёрлов ёки таълим йўналиши, мутахассислик ёки ихтисослик кўрсатилган бўлса, улар дарс бераётган **ҳар бир** ўқув фани бўйича **алоҳида аттестациядан ўтади**, профессионал таълим

ташкilotларининг умумкасбий ва махсус фан ўқитувчилари бундан мустасно.

Профессионал таълим ташкilotларида **икки ёки ундан ортиқ умумкасбий ва махсус фанлардан** дарс бераётган педагог кадрлар ўқув юкламаси кўп бўлган **битта ўқув фани** бўйича, бир нечта фандан ўқув юкламаси тенг миқдорда бўлган ҳолларда педагог кадр томонидан **танланган** ўқув фани бўйича аттестациядан ўтказилади.

АТТЕСТАЦИЯДАН ЎТИШ АРИЗА

Ҳар йили **1 январдан 1 мартга қадар** ва **1 августдан 1 октябрга қадар:**

- давлат хизматлари марказлари;
- Ягона интерактив давлат хизматлари портали;
- ваколатли вазирликларнинг расмий веб-сайтида рўйхатдан ўтган ҳолда мурожаат қиладилар.



Педагог кадрларни навбатдаги мажбурий аттестациядан ўтказиш бўйича давлат хизматини кўрсатганлик учун **йиғим ундирилмайди**.

Педагог кадрларни **навбатдан ташқари аттестациядан** ўтказиш бўйича давлат хизматини кўрсатганлик учун **базавий ҳисоблаш миқдорининг бир баравари миқдоридан** йиғим ундирилади.



Ягона интерактив давлат хизматлари портали ёки ваколатли вазирликларнинг расмий веб-сайти орқали мурожаат қилинганда, йиғим суммасининг **90 фоизи** ундирилади.

Йиғим суммаси қуйидаги тартибда тақсимланади:



а) **давлат хизматлари марказлари** орқали муурожаат этилганда, йиғим суммасининг:

20 фоизи – Адлия вазирлигининг давлат хизматларини ривожлантириш жамғармасига;

0,5 фоизи – Рақамли технологиялар вазирлиги ҳузуридаги «Электрон ҳукумат лойиҳаларини бошқариш маркази» давлат муассасасининг Иқтисодиёт ва молия вазирлиги ҳузуридаги Ғазначилик хизмати қўмитасидаги махсус ҳисобварағига;

50 фоизи – ваколатли вазирликларнинг бюджетдан ташқари жамғармасига;

қолган қисми – Давлат бюджетига ўтказилади;



б) **Ягона интерактив давлат хизматлари портали** орқали муурожаат этилганда, йиғим суммасининг:

10 фоизи – Адлия вазирлигининг давлат хизматларини ривожлантириш жамғармасига;

11,75 фоизи (шундан 0,5 фоизи – ягона биллинг тизими орқали давлат хизмати кўрсатилганда) – Рақамли технологиялар вазирлиги ҳузуридаги «Электрон ҳукумат лойиҳаларини бошқариш маркази» давлат муассасасининг Иқтисодиёт ва молия вазирлиги ҳузуридаги Ғазначилик хизмати қўмитасидаги махсус ҳисобварағига;

50 фоизи – ваколатли вазирликларнинг бюджетдан ташқари жамғармасига;

қолган қисми – Давлат бюджетига ўтказилади;



в) ваколатли вазирликларнинг расмий веб-сайти орқали мурожаат этилганда, йиғим суммасининг:

0,5 фоизи – Рақамли технологиялар вазирлиги ҳузуридаги “Электрон ҳукумат лойиҳаларини бошқариш маркази” давлат муассасасининг Иқтисодиёт ва молия вазирлиги ҳузуридаги Ҳазначилик хизмати қўмитасидаги махсус ҳисобварағига;

20 фоизи – Давлат бюджетига;

қолган қисми – ваколатли вазирликларнинг бюджетдан ташқари жамғармасига ўтказилади.


Педагог кадр аттестациядан ўтказиш бўйича давлат хизмати кўрсатилишидан воз кечган, амалдаги малака тоифасини (лавозимини) ҳимоя қила олмаган ва аттестациядан ўта олмаган тақдирда, тўланган йиғим **қайтариб берилмайди**.

Педагог кадрлар узрли сабабларга кўра аттестацияга келмаганлиги туфайли уларнинг аттестацияси **бошқа муддатга кўчирилган** тақдирда, йиғим **такроран ундирилмайди**.

Бевосита давлат хизматлари марказларига мурожаат қилинганда **педагог кадр номидан** давлат хизматлари маркази **ходими**, Ягона интерактив давлат хизматлари портали ёки ваколатли вазирликларнинг расмий веб-сайти орқали мурожаат қилинганда эса педагог кадрнинг **ўзи мустақил равишда** сўровномани электрон тарзда тўлдиради.

Намунаси қўлланманинг 2 иловасида мувофиқ тақдим этилади

СЎРОВНОМАГА ИЛОВА ҚИЛИНАДИГАН ҲУЖЖАТЛАР:

 педагог кадрнинг таълим тўғрисидаги ҳужжати (хорижий давлатда таълим олганлик тўғрисидаги ҳужжатни Ўзбекистон Республикасида тан олиш ҳақидаги гувоҳнома);

✚ қайта тайёрлаш курсларидан ўтганлиги ҳақидаги диплом нусхаси (агар мавжуд бўлса);

✚ педагог кадрнинг педагогик маҳорати ва психологик тайёргарлигини баҳолаш натижалари юзасидан маълумотнома (ўрта махсус ва профессионал таълим ташкилотлари педагоглари учун).



Педагог кадрлардан юқорида кўрсатилгандан бошқа ҳужжатларни тақдим этишни **талаб қилиш тақиқланади.**


Педагог кадр ўзи келиб мурожаат этганда, давлат хизматлари марказлари томонидан сўровнома тўлдирилгандан сўнг ариза берувчи маълумотларнинг тўғрилигини текшириб, сўровномани имзоларни идентификация қилишнинг тегишли воситалари



ЭРИ, электрон имзо;



дактилоскопия;



Мобил-ID ва бошқалар) билан тасдиқлайди.

Педагог кадр Ягона интерактив давлат хизматлари **портали** ёки ваколатли вазирликларнинг **расмий веб-сайти** орқали мурожаат этган тақдирда, сўровномани **ЭРИ билан тасдиқлаш талаб этилмайди**. Бунда сўровнома педагог кадр томонидан дастурга киритилган телефон рақамига ёки электрон почта манзилига автоматик тарзда юбориладиган **SMS-хабарнома** орқали тасдиқланади.



Нотўғри маълумотлар ёки қалбаки ҳужжатлар тақдим этилганлиги аниқланган **ҳар қандай босқичда** педагог кадрнинг ҳужжатларини қабул қилиш ва аттестациядан ўтказиш жараёни **тўхтатилади**, топширилган ҳужжатлар ва тўланган **йиғим қайтарилмайди**.

Ҳужжатнинг қалбаки эканлигини аниқлаш ваколатли вазирликларда **мавжуд бўлган** маълумотлар асосида амалга оширилади. Топширилган ҳужжатларнинг ҳаққонийлигини **аниқлаш имкони** бўлмаган тақдирда, тегишли ваколатли ташкилотларга **сўровнома** юборилади.

**ДАВЛАТ ХИЗМАТЛАРИ МАРКАЗИ ЁКИ ВАКОЛАТЛИ
ВАЗИРЛИКЛАР ТОМОНИДАН ДАВЛАТ ХИЗМАТЛАРИ
КЎРСАТИЛИШИ РАД ЭТИЛИШИ МУМКИН БЎЛГАН
ҲОЛАТЛАР:**

- 1 педагог кадрлар томонидан сўровноманинг электрон рақамли имзо ёки имзони идентификация қилишнинг бошқа воситалари ёхуд SMS-хабарнома билан тасдиқланмаганлиги;

- ② педагог кадрлар томонидан нотўғри маълумотлар ёки қалбаки ҳужжатлар тақдим этилгани маълум бўлиб қолганлиги;
- ③ сўровнома ва унга илова қилинган ҳужжатларнинг тўлиқ тақдим этилмаганлиги;
- ④ аттестациядан ўтказиш бўйича давлат хизмати кўрсатганлик учун белгиланган йиғимнинг тўланмаганлиги (педагог кадрни навбатдаги мажбурий аттестациядан ўтказиш ҳолатлари бундан мустасно).



Педагог кадр давлат хизматидан фойдаланишдан уни кўрсатишнинг **ҳар қандай босқичида** бош тортишга ҳақли (педагог кадрни навбатдаги мажбурий аттестациядан ўтказиш ҳолатлари бундан мустасно).

Педагог кадрга боғлиқ бўлмаган ҳолатлар сабабли давлат хизматидан фойдаланилмаган тақдирда, тўланган йиғим **педагог кадрга** ёки унинг **қонуний вакилига** қайтарилади.

Педагог кадр давлат хизматлари марказига келиб мурожаат этган тақдирда, унинг сўровномаси давлат хизматлари маркази ходими томонидан тўлдирилиб, педагог кадр томонидан тасдиқлангандан сўнг 10 дақиқа мобайнида, Ягона интерактив давлат хизматлари портали орқали мурожаат этганда, автоматик тарзда ваколатли вазирликларга электрон шаклда юборилади.

Ҳужжатлар тўлиқ тақдим этилганда ваколатли вазирликлар томонидан ҳужжатлар қабул қилинганлиги тўғрисида давлат хизматлари марказига ёки Ягона интерактив давлат хизматлари портали ёхуд ваколатли вазирликларнинг

расмий веб-сайти орқали педагог кадрларга хабарнома юборилади.

Ушбу хабарнома **QR-кодга** эга бўлиб, бунда педагог кадрни аттестацияга жалб қилиш **саналари**, жалб қилинадиган **фани**, педагог кадрнинг **шахсий маълумотлари** акс эттирилади ҳамда шахсни тасдиқловчи ҳужжат билан электрон ёки босма равишда тақдим этилганда, аттестация жараёнига кириш учун **рухсатнома сифатида** фойдаланилади.

Педагог кадрлардан ҳужжатларни қабул қилиш ҳар йили 1 март ва 1 октябрь саналарида тўхтатилади.

Ваколатли вазирликлар томонидан мактабгача, умумий ўрта ва мактабдан ташқари таълим ташкилотлари педагог кадрлари учун мутахассислик фани ва касб стандарти бўйича билим даражасини аниқлаш ҳамда педагогик маҳоратини баҳолаш, ўрта махсус ва профессионал таълим ташкилотлари педагог кадрлари учун ўқув фани бўйича малака синовларини **ўтказиш шакли ҳамда жадвали ҳар йили 10 март ва 10 октябрга қадар тасдиқланиб**, уларнинг расмий веб-сайтида эълон қилинади, тегишли вазирликлар ва идораларга ҳамда SMS-хабарнома орқали педагог кадрларга юборилади.

МАЛАКА СИНОВЛАРИ ҚУЙИДАГИ ШАКЛЛАРДАН БИРИ БҲЙИЧА ҲТКАЗИЛАДИ:



тест синовлари;



ижодий;



назарий (оғзаки, ёзма);

назарий (оғзаки, ёзма) ва амалий.

ПЕДАГОГ КАДРЛАРНИ АТТЕСТАЦИЯДАН ЎТКАЗИШ ТАРТИБИ

Аттестациядан ўтказиш **икки босқичда** умумий **100 баллик** тизимда баҳоланади.

Бунда **мактабгача, умумий ўрта ва мактабдан ташқари таълим** педагог кадрлари бўйича:

биринчи босқичда – педагогнинг мутахассислик фани ва касб стандарти бўйича билим даражаси;

иккинчи босқичда – педагогик маҳорати баҳоланади.

Ўрта махсус ва профессионал таълим педагог кадрлари бўйича

биринчи босқичда – педагог кадрнинг педагогик маҳорати ва психологик тайёргарлиги баҳоланади;

иккинчи босқичда – ўқув фани бўйича билим даражаси баҳоланади.

Ўрта махсус ва профессионал таълим ташкилоти педагог кадрларининг биринчи босқичда педагогик маҳорати ва психологик тайёргарлиги таълим ташкилотининг педагогик (кузатув) кенгашлари томонидан ўрганилади баҳолаш мезонлари асосида **20 баллик** тизимда баҳоланади. Бу ерда:



Вазирлар Маҳкамасининг 2021 йил 17 сентябрдаги “Мактабгача, умумий ўрта, ўрта махсус, профессионал ва мактабдан ташқари таълим ташкилотлари педагог кадрларини аттестациядан ўтказиш тартибини такомиллаштириш чоратадбирлари тўғрисида”ги 572-сон қарори

Педагог кадрларнинг педагогик маҳорати ва психологик тайёргарлиги ҳар бир аттестация учун **алоҳида баҳоланади**.

Педагог кадрларнинг педагогик маҳорати ва психологик тайёргарлигини баҳолаш натижалари ушбу Қўлланмага 4-иловага мувофиқ шаклдаги **маълумотномага** киритилиб, таълим ташкилоти раҳбарининг **имзоси ва муҳри билан тасдиқланган** ҳолда, Олий таълим, фан ва инновациялар вазирлигига топшириш учун педагог кадрларга тақдим этилади.

Педагог кадрлар педагогик маҳорат ва психологик тайёргарликни баҳолаш натижалари юзасидан маълумотномада **неча балл кўрсатилганидан қатъи назар**, аттестациянинг **кейинги босқичида** иштирок этишлари мумкин.

Педагогик маҳорат ва психологик тайёргарликни баҳолаш натижалари юзасидан маълумотнома аттестациядан ўтиш учун ҳужжат топшириш бошланган санага қадар кўпи билан **тўрт ой муддат ичида** берилган бўлиши лозим.

МАКТАБГАЧА, УМУМИЙ ЎРТА ВА МАКТАБДАН ТАШҚАРИ ТАЪЛИМ ТАШКИЛОТЛАРИ ПЕДАГОГ КАДРЛАРИ УЧУН

Аттестациянинг **биринчи босқичида** – педагогнинг мутахассислик фани ва касб стандарти бўйича билим даражасини аниқлаш мақсадида **40 та тест** (ҳар бир тўғри жавоб **2 балл**, жами **80 балл**) топшириғи берилади.

Иккинчи босқичда – педагогик маҳоратни аниқлаш мақсадида илфोर педагогик услуб ва технологияларни («**case study**» услуби, лойиҳалар услуби, ҳамкорликда ўқитиш, «амалий ўйин»), интерфаол таълим услуби ва бошқалар) қўллаш бўйича **10 та** топшириқ берилади. Ҳар бир тўғри

берилган жавоб **2 балл** билан баҳоланиб, жами **20 балл** берилади.

Ўрта махсус ва профессионал таълим ташкилотлари педагог кадрлари учун **иккинчи босқичда** – педагогнинг ўқув фани бўйича билим даражасини аниқлаш учун **40 та тест** (ҳар бир тўғри жавоб **2 балл**, жами **80 балл**) топшириғи берилади.

Педагог кадрлар учун малака синовлари **ҳар йили март – май ҳамда октябрь – ноябрь ойларида** ваколатли вазирликлар томонидан ўтказилади.

Малака синовлари санитария қоидалари, нормалари ва гигиена нормативларига, техника ва ёнғин хавфсизлиги қоидаларига **қатъий риоя қилган ҳолда** ўтказилади.

Умумий ўрта, ўрта махсус ва профессионал таълим ташкилотларининг камида **С1 даражадаги миллий** ёки унга мос даражадаги **халқаро сертификатга** эга чет (инглиз, француз, немис, испан, итальян, араб, хитой, япон, корейс, турк, форс, пушту, дари, урду, ҳинд) тили фани **ўқитувчиларига** навбатдаги мажбурий аттестацияда мутахассислик фани ва касб стандарти бўйича билим даражасини аниқлаш ҳамда ўқув фани бўйича малака синовидан **максимал 80 балл** берилади ҳамда улар ушбу малака синовидан озод этилади.

Мутахассислик фани ва касб стандарти бўйича билим даражасини аниқлаш ҳамда ўқув фани бўйича малака синовлари:

маданият ва санъатга (тасвирий ва амалий санъат, дизайн, мусиқа, театр, цирк ва хореографияга) ихтисослаштирилган таълим ташкилотлари педагог кадрлари учун – **ижодий синовлар шаклида;**

жисмоний тарбия ва спортга ихтисослаштирилган таълим ташкилотларининг педагог кадрлари учун – **назарий (оғзаки, ёзма) синовлар шаклида;**

таълим ташкилотларининг **жисмоний тарбия фани ўқитувчилари** учун – назарий (оғзаки, ёзма) ва амалий синовлар шаклида ўтказилади.

Мутахассислик фани ва касб стандарти бўйича билим даражасини аниқлаш ҳамда ўқув фани бўйича малака синовлари **чет тили фани ўқитувчилари** учун **тинглаб тушуниш, ўқиш, ёзиш ва гапириш** кўникмасини баҳолашга қаратилган **ижодий синовлар** шаклида ўтказилади.

Мутахассислик фани ва касб стандарти бўйича билим даражасини аниқлаш ҳамда ўқув фани бўйича малака синовлари чет тили фани ўқитувчилари, маданият ва санъатга, жисмоний тарбия ва спортга **ихтисослаштирилган таълим ташкилотлари** педагог кадрлари ҳамда **таълим ташкилотларининг жисмоний тарбия фани ўқитувчилари** учун **тест синовлари шаклида** ҳам ташкил этилиши мумкин.

Ижодий, назарий (оғзаки, ёзма), амалий синовлар ваколатли вазирликлар ҳамда манфаатдор вазирликлар ва идораларнинг **қўшма қарори** билан рўйхати тасдиқланадиган ишчи гуруҳлар томонидан ҳар йили март – май ҳамда октябрь-ноябрь ойларида ўтказилади.

Бу ерда:



Вазирлар Маҳкамасининг 2021 йил 17 сентябрдаги “Мактабгача, умумий ўрта, ўрта махсус, профессионал ва мактабдан ташқари таълим ташкилотлари педагог кадрларини аттестациядан ўтказиш тартибини такомиллаштириш чоратадбирлари тўғрисида”ги 572-сон қарори

Ишчи гуруҳ аъзоларининг **учдан икки қисми** иштирок этганда йиғилиш ваколатли ҳисобланади.

Маданият ва санъатга, жисмоний тарбия ва спортга ихтисослаштирилган таълим ташкилотлари педагог кадрлари учун ижодий ва назарий (оғзаки, ёзма) синовлар тўртта топшириқдан (саволдан) иборат бўлади ва белгиланган вақтда, тўлиқ, тўғри ва сифатли бажарилганлигига (тўғри жавоб берилганига) кўра ҳар бир топшириқ учун **20 баллдан**, жами **80 баллик** тизимда баҳоланади.

Таълим ташкилотларининг **жисмоний тарбия фани ўқитувчилари** учун назарий (оғзаки, ёзма) синовлар **тўртта** саволдан иборат бўлади ва белгиланган вақтда, тўлиқ, тўғри ва сифатли жавоб берилганлиги кўра **ҳар бир топшириқ** учун **5 баллдан, жами 20 баллик** тизимда баҳоланади.

Таълим ташкилотларининг **жисмоний тарбия фани ўқитувчилари** учун амалий синовлар **тўртта жисмоний** машқдан (100 метрга югуриш, жойидан туриб узунликка сакраш, турникда тортилиш (эркаклар учун), гимнастика ўриндиғига таяниб, қўлларни букиш ва ёйиш (аёллар учун), ётган ҳолда қўлларни бош орқасига қўйиб гавдани кўтариш) иборат бўлади, **ҳар бир машқ учун 15 баллдан**, жами **60 баллик** тизимда **амалий синовлар нормативлари** асосида баҳоланади.



Вазирлар Маҳкамасининг 2021 йил 17 сентябрдаги “Мақтабгача, умумий ўрта, ўрта махсус, профессионал ва мактабдан ташқари таълим ташкилотлари педагог кадрларини аттестациядан ўтказиш тартибини такомиллаштириш чоратадбирлари тўғрисида”ги 572-сон қарори



Аҳолининг жисмоний тайёргарлик даражасини баҳолаш тизимида **ёшига мос** келадиган ихтиёрий талабларни муваффақиятли бажарган таълим ташкилотларининг жисмоний тарбия фани ўқитувчилари амалий синовлардан озод этилади ва уларга мазкур синовлардан **максимал 60 балл берилади.**

Ижодий ва назарий (оғзаки, ёзма) синовлар материаллари тизимида **маданият ва санъат, жисмоний тарбия ва спортга ихтисослаштирилган** таълим муассасалари бўлган вазирликлар ва идоралар томонидан ишлаб чиқилади.

Малака синовлари Қорақалпоғистон Республикаси, вилоятлар марказлари ва Тошкент шаҳрида жойлашган таълим ташкилотларида ҳамда бошқа ташкилотларнинг **катта сиғимдаги** биноларида **ошкоралик ва шаффофликни** таъминлаган ҳолда ўтказилади.

Таълим ташкилотларининг жисмоний тарбия фани ўқитувчилари учун амалий синовлар таълим ташкилотларининг **стадионларида** ёки **спорт залларида** ўтказилади.

Аттестация жараёни учун синов материаллари ваколатли вазирликлар томонидан **тестологиянинг халқаро талаблари асосида, холислик ва махфийликни** таъминлаган ҳолда шакллантирилади.

Аттестация жараёни учун синов материалларини шакллантириш учун ваколатли вазирликлар томонидан манфаатдор вазирликлар ва идоралар, уларнинг ҳудудий ва идоравий бўйсунувидаги ташкилотлар, илмий-тадқиқот институтларининг етакчи олимлари ва малакали мутахассислари, маҳаллий ва хорижий экспертлар, шунингдек, нодавлат ташкилотлар вакиллари жалб этилиши мумкин.

Синов материалларини шакллантириш учун **жалб этиладиган** шахсларга ваколатли вазирликлар билан тузиладиган **шартномалар асосида ҳақ тўланади**.

Чет тили фани ўқитувчилари учун ўқув (махсус) фани бўйича малака синовлари қуйидаги бўлимлардан иборат бўлади:

а) “тинглаб тушуниш” бўлими оғзаки нутқни қабул қилиш кўникмаларини, эшитилган матнлардаги асосий фикр ва детални тушуниш маҳоратини текширади;

б) “ўқиш” бўлими ўқилган матнлардаги асосий фикр ва детални тушуниш маҳоратини текширади;

в) “ёзма иш” бўлими тегишли даражадаги грамматик тузилишдан ва талабгорнинг луғат захирасидан фойдаланган ҳолда, берилган мавзулар бўйича бир-бири билан боғланган матнларни тузиш маҳоратини текширади;

г) “гапириш” бўлими тегишли даражадаги грамматик тузилишдан ва луғат захирасидан фойдаланган ҳолда, берилган саволларга мос жавоб бериш ва ўз нуқтаи назарини асослаш маҳоратини текширади.

Чет тили фани ўқитувчилари учун ўқув (махсус) фани бўйича малака синови **қоғоз бланкаларда** ёки **компьютерда (онлайн платформа орқали)** ўтказилиши мумкин. Малака синовини ўтказиш жойи ваколатли вазирликлар томонидан белгиланади.

Ёзма ёки оғзаки малака синови учун имтиҳон комиссияси ташкил этилади.

Имтиҳон комиссиясининг таркиби ваколатли орган томонидаг шакллантирилади.

МАЛАКА СИНОВИ ҚОҒОЗ БЛАНКАЛАРДА ЎТКАЗИЛГАНДА ИККИ БОСҚИЧДАН ИБОРАТ БЎЛАДИ:

биринчи босқич «тинглаб тушуниш», «ўқиш», «ёзма иш» бўлимларидан,

иккинчи босқич «гапириш» бўлиmidан ташкил топади.

Малака синови тегишли махсус дастурлар асосида компьютерда ўтказилганда, барча бўлимлар қамраб олинган ҳолда **бир босқичда** амалга оширилади.

Чет тили фани ўқитувчилари учун ўқув (махсус) фани бўйича малака синовларига жалб этиладиган имтиҳон комиссияси аъзолари ва кузатувчилар билан **шартнома тузилади**.

«Тинглаб тушуниш», «ўқиш» бўлимлари бўйича билимлар махсус дастурлар ёрдамида компьютерда текширилади.

«Ёзма иш» ва «гапириш» бўлимлари бўйича билимлар махсус дастурлар ёрдамида ваколатли вазирликларнинг **масъул таркибий бўлинмаси** назорати остида имтиҳон комиссияси томонидан текширилади ва натижалари расмийлаштирилади.

ЧЕТ ТИЛИ ФАНИ ЎҚИТУВЧИЛАРИ УЧУН ЎҚУВ (МАХСУС) ФАНИ БЎЙИЧА МАЛАКА СИНОВИ ЖАРАЁНИДА:



“тинглаб тушуниш” учун – 30 дақиқа;



“ўқиш” учун – 45 дақиқа;



“ёзма иш” учун – 30 дақиқа;



“гапириш” учун – 10 дақиқа вақт ажратилади.

✚ “тинглаб тушуниш”, “ўқиш” бўлимларининг ҳар бири **30 та** саволдан;

✚ “ёзма иш” бўлими **120 – 150 та** сўздан иборат топшириқдан;

✚ “гапириш” бўлими топшириқларнинг **3 та** туридан иборат бўлади.

Ваколатли вазирликлар малака синови натижаларини **синов якунланган кундан бошлаб бир ҳафтадан кечикмасдан**, Интернет жаҳон ахборот тармоғидаги **расмий веб-сайтида** эълон қилади.

Чет тили фани ўқитувчилари учун ўқув (махсус) фанидан малака синови ҳар бир бўлимининг энг юқори баҳоси **20 баллни** ва барча бўлимлар учун **максимал баҳо 80 баллни** ташкил этади.

ПЕДАГОГ КАДР ҚУЙИДАГИ ҲОЛЛАРДА МАЛАКА СИНОВЛАРИДАН ЧЕТЛАШТИРИЛАДИ:

✚ синов ўтказилаётган аудиторияга ҳар қандай адабиёт, шпаргалка ёки телекоммуникация ва техника воситаларини олиб кирса;

✚ синов ўтказилаётган вақтда бошқа иштирокчилар билан мулоқот қилса;

✚ саволларни кўчириб олишга ҳамда синов материалларини аудиториядан олиб чиқишга ҳаракат қилса;

✚ синов материалларини бошқа талабгорларга берса, синовни ўтказиш жараёнига халақит қилса;

✚ синов жараёнига бошқа талабгорнинг ўрнига кирганлиги аниқланса;

✚ синовлар учун ажратилган вақт тугагандан сўнг синов материалларини топширишдан бош тортса;

✚ синовлар жараёнида видеокузатувлар орқали талабгорнинг тартиб ва қоидаларга амал қилмаганлиги аниқланса.

Иккита босқич натижаларига кўра:

а) олий малака тоифали ёки бош ўқитувчи лавозимидаги педагог кадр:

80 балл ва ундан юқори кўрсаткичга эга бўлса – аттестациядан ўтган, олий малака тоифаси (бош ўқитувчи лавозими) сақланган;

80 баллдан кам кўрсаткичга эга бўлса – аттестациядан ўтмаган, биринчи малака тоифасига (етакчи ўқитувчи лавозимида) туширилган (навбатдан ташқари аттестацияга жалб этилган педагог кадрлар бундан мустасно);

б) биринчи малака тоифали ёки етакчи ўқитувчи лавозимидаги педагог кадр:

80 балл ва ундан юқори кўрсаткичга эга бўлса – аттестациядан ўтган, олий малака тоифаси (бош ўқитувчи лавозими) берилган;

70 баллдан 79 баллгача кўрсаткичга эга бўлса – аттестациядан ўтган, биринчи малака тоифаси (етакчи ўқитувчи лавозими) сақланган;

70 баллдан кам кўрсаткичга эга бўлса – аттестациядан ўтмаган, иккинчи малака тоифасига (катта ўқитувчи лавозимида) туширилган (навбатдан ташқари аттестацияга жалб этилган педагог кадрлар бундан мустасно);

в) иккинчи малака тоифали ёки катта ўқитувчи лавозимидаги педагог кадр:

70 балл ва ундан юқори кўрсаткичга эга бўлса – аттестациядан ўтган, биринчи малака тоифаси (етақчи ўқитувчи лавозими) берилган;

60 баллдан 69 баллгача кўрсаткичга эга бўлса – аттестациядан ўтган, иккинчи малака тоифаси (катта ўқитувчи лавозими) сақланган;

60 баллдан кам кўрсаткичга эга бўлса – аттестациядан ўтмаган, мутахассис (олий маълумотли ўқитувчи) лавозимига туширилган (навбатдан ташқари аттестацияга жалб этилган педагог кадрлар бундан мустасно);

г) мутахассис ёки олий маълумотли ўқитувчи лавозимидаги педагог кадр:

60 балл ва ундан юқори кўрсаткичга эга бўлса – аттестациядан ўтган, иккинчи малака тоифаси (катта ўқитувчи лавозими) берилган;

55 баллдан 59 баллгача кўрсаткичга эга бўлса – аттестациядан ўтган, мутахассис (олий маълумотли ўқитувчи) лавозими сақланган;

55 баллдан кам кўрсаткичга эга бўлса – аттестациядан ўтмаган, мутахассис (олий маълумотли ўқитувчи) лавозимига мувофиқ эмас деб (навбатдан ташқари аттестацияга жалб этилган педагог кадрлар бундан мустасно) ҳисобланади.

Навбатдан ташқари аттестацияга жалб этилган педагог кадрлар аттестациядан ўта олмаган тақдирда, уларнинг малака тоифаси (лавозими) туширилмайди ҳамда улар лавозимига мувофиқ эмас деб ҳисобланмайди.

Мутахассис (олий маълумотли ўқитувчи) лавозимидаги педагог кадрлар навбатдаги мажбурий аттестациядан ўта

олмаган тақдирда, иш берувчи ходимнинг малакаси етарли бўлмаганлиги сабабли у билан тузилган меҳнат шартномасини меҳнат тўғрисидаги қонунчилик ҳужжатларида белгиланган тартибда бекор қилиш ҳуқуқига эга.

Иш берувчи меҳнат шартномасини бекор қилмаган тақдирда, навбатдаги мажбурий аттестациядан **ўта олмаган мутахассис** (олий маълумотли ўқитувчи) лавозимидаги педагог кадр навбатдан ташқари аттестацияга кўпи билан **уч марта** жалб этилади. Бунда уч мартадан **бирортасида ҳам навбатдан ташқари аттестациядан ўта олмаган** ёки **узрли сабабсиз** (касалликка чалиниши оқибатида узоқ муддатли меҳнатга қобилиятсизлик ҳамда давлат ёки жамоат вазифаларини бажарганлигидан ташқари ҳолларда) **аттестацияда иштирок этмаган** педагог кадр билан тузилган меҳнат шартномаси ходимнинг малакаси етарли бўлмаганлиги **сабабли бекор қилинади.**

Педагог кадрлар аттестацияда узрли сабабга (вақтинча меҳнатга қобилиятсизлиги, давлат ёки жамоат вазифаларини бажарганлиги, республика ва халқаро мусобақаларда иштирок этганлиги, вақтинча хорижий мамлакатда сафарда бўлганлиги, яқин қариндошининг вафоти, ваколатли давлат органи ёки **таълим ташкилотлари раҳбарларининг маълумотномасида** кўрсатилган бошқа асосларга) кўра келмаган бўлса, уларнинг аттестацияси бошқа муддатга кўчирилади.

Педагог кадр узрсиз сабабга кўра аттестацияда иштирок этмаган бўлса, у аттестациядан ўтмаган ҳисобланади ҳамда унинг тегишли малака тоифаси (лавозими) **бир поғона туширилади.**

Аттестация якунланганидан сўнг бир ой муддатда ваколатли вазирликлар раҳбарининг буйруғи (қарори) билан аттестация натижаларига кўра олий, биринчи ва иккинчи малака тоифалари ҳамда бош, етакчи ва катта ўқитувчи лавозимлари берилган педагог кадрларнинг рўйхати тасдиқланади ҳамда рўйхатга асосан педагог кадрларга мазкур Қўлланмагага 9-иловага мувофиқ шаклдаги QR-код қўйилган электрон шаклдаги сертификатлар ваколатли вазирликларнинг **расмий веб-сайти орқали онлайн генерация қилинади.**

Навбатдаги мажбурий ва навбатдан ташқари аттестация натижаларига кўра малака тоифаси (лавозими) оширилган ёки сақланган, шунингдек, навбатдаги мажбурий аттестация натижаларига кўра малака тоифаси (лавозими) туширилган педагог кадрларнинг **ойлик иш ҳақларига киритиладиган ўзгаришлар автоматик тарзда ҳисоблаб чиқарилиши** учун ваколатли вазирликларнинг расмий веб-сайти UzASBO ёки бошқа молиявий ҳисоб-китоб дастурлари ҳамда мактаб бошқарув (ERP) дастурлари билан **интеграция қилинади.**

Педагог кадрлар давлат хизматлари марказига бориш ёки Ягона интерактив давлат хизматлари портали ёхуд ваколатли вазирликларнинг расмий веб-сайтида жойлашган шахсий кабинетига кириш орқали электрон шаклдаги сертификатни юклаб олиши мумкин.

Педагог кадрларнинг базавий тариф ставкалари миқдори, уларнинг малака тоифаси ёки лавозими сертификат асосида белгиланади ҳамда уларнинг иш ҳақлари сертификат генерация қилинган кундан бошлаб қайта ҳисобланади.

Аттестациядан ўтганлик муддати тугаган ва навбатдаги мажбурий аттестациядан озод этилмаган педагог кадрларга

мутахассис (олий маълумотли ўқитувчи) лавозими бўйича ҳақ тўланади.

Аттестациядан ўтганлик муддати тугаб, мутахассис (олий маълумотли ўқитувчи) лавозими бўйича ҳақ тўланаётган педагог кадрлар навбатдаги мажбурий аттестацияга охириги олган малака тоифаси (лавозими) бўйича жалб қилинади.

ИЛОВАЛАР

1-илова

Мактабгача, умумий ўрта, ўрта махсус, профессионал ва мактабдан ташқари таълим ташкилотлари педагог кадрларининг аттестациясини ташкил этиш ва ўтказиш СХЕМАСИ

Босқичлар	Ижрочилар	Тадбирлар	Муддатлар
1-босқич	<p>Таълим ташкилотлари</p> <p>Ваколатли вазирликлар, манфаатдор вазирликлар ва идоралар</p>	<p>Педагог кадрларни аттестациядан ўтказиш тартиби билан таништириш, педагог кадрларнинг педагогик маҳорати ва психологик тайёргарлигини баҳолаш ҳамда баҳолаш натижалари юзасидан маълумотномани уларга тақдим этиш.</p> <p>Маданият ва санъат, жисмоний тарбия ва спортга ихтисослаштирилган таълим ташкилотлари педагог кадрлари, шунингдек, таълим ташкилотлари жисмоний тарбия фани ўқитувчилари учун ижодий, назарий ва амалий синовларни ўтказадиган ишчи гуруҳлар таркибини тасдиқлаш.</p>	<p>Ҳар йили апрель – июль ва сентябрь – декабрь ойларида</p> <p>Ҳар йили 1 февраль ва 1 сентябрьга қадар</p>
2-босқич	<p>Педагог кадрлар, давлат хизматлари марказлари, ваколатли вазирликлар</p> <p>Ваколатли вазирликлар</p>	<p>Аттестациядан ўтиш учун педагог кадрлар томонидан давлат хизматлари марказлари ёки Ягона интерактив давлат хизматлари портали ёхуд ваколатли вазирликлар расмий веб-сайти орқали ҳужжат топшириш.</p> <p>Педагог кадрларнинг мутахассислик фани ва касб</p>	<p>Ҳар йили январь-февраль ва август-сентябрь ойларида</p> <p>Ҳар йили март – май,</p>

	Ваколатли вазирликлар, манфаатдор вазирликлар ва идоралар	<p>стандарти бўйича билим даражасини баҳолаш ҳамда педагогик маҳоратини аниқлаш, ўқув фани бўйича малака синовларидан ўтказиш.</p> <p>Маданият ва санъат, жисмоний тарбия ва спортга ихтисослаштирилган таълим ташкилотлари педагог кадрлари, шунингдек, таълим ташкилотлари жисмоний тарбия фани ўқитувчилари учун ижодий, назарий ва амалий синовларни ўтказиш ва баҳолаш.</p>	<p>октябрь – ноябрь ойларида</p> <p>Ҳар йили март – май, октябрь – ноябрь ойларида</p>
3-босқич	Ваколатли вазирликлар Иқтисодиёт ва молия вазирлиги	<p>Амалдаги малака тоифаси (лавозими) сақланган ва оширилган педагог кадрларнинг рўйхатини тасдиқлаш ҳамда электрон шаклдаги сертификатларни ваколатли вазирликларнинг расмий веб-сайти орқали онлайн генерация қилиш.</p> <p>Янгидан тасдиқланган малака тоифалари ёки лавозимларга асосан педагог кадрларнинг ойлик иш ҳақларини қайта ҳисоб-китоб қилиш.</p>	<p>Ҳар йили июнь ва декабрь ойларида</p> <p>Ҳар йили 1 июлга ва 1 январга қадар</p>
4-босқич	Апелляция комиссияси Апелляция комиссияси	<p>Аттестация натижаларидан норози бўлган педагог кадрларнинг мурожаатларини кўриб чиқиш.</p> <p>Апелляция комиссияси қарори нухасини мурожаат этувчи педагог кадрга тақдим этиш.</p>	<p>Мурожаат қилинган пайтдан бошлаб 10 кунда</p> <p>Комиссия қарори чиққан пайтдан бошлаб 5 кунда</p>

**Мақтабгача, умумий ўрта, ўрта махсус, профессионал
ва мақтабдан ташқари таълимташкилотлари педагог
кадрларини аттестациядан ўтказиш бўйича
давлатхизматларидан фойдаланиш учун
СЎРОВНОМА**

(санаси)

(рақами)

I. Педагог кадр ҳақида маълумот:

1. Фамилияси:
2. Исми:
3. Отасининг исми:
4. Жинси:
5. Паспорт маълумотлари (серияси ва рақами, жисмоний шахснинг шахсий идентификация рақами):
6. Таълим ташкилоти жойлашган туман (шаҳар):
7. Таълим ташкилоти номи ёки рақами:
8. Таълим ташкилоти тури (оддий, ихтисослаштирилган):
9. Таълим ташкилотининг ташкилий-ҳуқуқий шакли (давлат, нодавлат):
10. Аттестация тури (навбатдаги, навбатдан ташқари):
11. Аттестациядан ўтаётган ўқув фани:
12. Аттестациядан ўтадиган тили:
13. Амалдаги малака тоифаси (лавозими) тўғрисида маълумот (сертификат серияси, рақами ва берилган вақти):
14. Яшаш жойи:
15. Телефон рақами:
16. Электрон почта манзили (e-mail):

II. Сўровномага илова қилинадиган ҳужжатлар:

1. Педагог кадрнинг таълим тўғрисидаги ҳужжати (хорижий давлатда таълим олганлик тўғрисидаги ҳужжатни Ўзбекистон Республикасида тан олиш ҳақидаги гувоҳнома);
2. Қайта тайёрлаш курсларидан ўтганлиги ҳақидаги диплом нусхаси (агар мавжуд бўлса);
3. Педагог кадрнинг педагогик маҳорати ва психологик тайёргарлигини баҳолаш натижалари юзасидан маълумотнома (ўрта махсус ва профессионал таълим ташкилотлари педагоглари учун).

Педагог кадрнинг педагогик маҳорати ва психологик тайёргарлигини баҳолаш натижалари юзасидан МАЪЛУМОТНОМА

_____ (республика, вилоят, туман (шаҳар) номи)

_____ фани ўқитувчиси
_____ (таълим ташкилотининг номи ва _____ (фан номи)
_____ рақами)

_____ нинг педагогик маҳорати ва психологик тайёрлиги
(педагог кадрнинг Ф.И.О.)

_____ балл билан баҳоланди.

(тўпланган балл рақам ва сўз билан)

Мазкур маълумотнома 20__ йил _____ даги

_____ рақамли сертификат асосида _____
(сертификат серияси ва рақами) _____ (малака тоифаси (лавозими) номи)
малака тоифасига (лавозимига) эга педагог кадрга 20__ йил _____
ойларида ўтказиладиган _____ аттестацияда иштирок этиш учун
берилди.

(аттестация тури)

Педагог кадр 20__ йил _____ да навбатдаги мажбурий аттестациядан
ўтказилган.

Асос: _____

(педагогик (кузатув) кенгашининг қарори ёки жалб қилинган

_____ ташкилот (мутахассисниг) хулосаси)

Таълим ташкилоти раҳбари:

_____ (имзо)

_____ (раҳбарнинг Ф.И.О.)

М.Ў.

Рўйхатдан ўтказиш рақами: _____

Берилган санаси: _____

(кун, ой, йил)